

武林掌故叢編

西湖遊覽志卷七

錢唐田汝成叔禾撰

南山勝蹟

自清波門折而東南爲鳳凰山

鳳凰山兩翅軒翥左薄湖潏右掠江濱形若飛鳳
一郡王氣皆藉此山自唐以來肇造州治蓋鳳
凰之右翅也錢氏因之遞加拓飾逮于南宋建
都而茲山東麓環入禁苑張閎華麗秀比蓬峴
佳氣扶輿萃于一脈開署布政駐輦宅中民吏
之所憑依帝王之所臨蒞隱隱賑賑者六七百

西湖遊覽志卷一
年可謂盛矣元時納胡僧之說卽故宮建五寺
築鎮南塔以壓之而茲山到今落寞乃卽開元
宮建省治面對吳山蓋鳳凰之左翅也我朝因
之而官司位署皆列左方爲東南雄會豈非王
氣移易發洩有時也山據江湖之勝立而環眺
則淩虛驚遠壤異絕特之觀舉歸眉睫

其麓爲萬松嶺萬松書院八蟠嶺留月臺玉壺臺

萬松嶺夾道多巨松在唐時已有之白樂天湖上
夜歸詩半醉閒行湖岸東馬鞭敲鞞轡玲瓏萬
株松樹青山上十里沙堤明月中樓角漸移當

路影潮頭欲過滿江風歸來未放笙歌散畫戟
重開蠟炬紅南宋時密邇大內碧瓦紅簷鱗次
櫺櫺比今夷爲大塗而松亦無幾矣

萬松書院本報恩寺故址也弘治十年參政周木
燬寺而建書院中設先師孔子及四配像爲大
成殿明道堂居仁由義二齋顏樂曾唯二亭南
曰北楔綽二曰德侔天地道貫古今以孔氏子孫
世守之嘉靖五年御史潘倣建毓秀閣翼以精
舍以待四方遊學之士
入蟠嶺在萬松嶺右過北而南可達月巖王元章

八詩路遶危垣上風高松檜鳴花飛殊失意草長
不知名遊客諮遺俗居民指舊京浮屠天末起
瞻望忽傷情

留丹玉壺二臺在書院右方上爲月巖下爲圭石
中有四亭曰振衣曰可汲曰依雲曰見湖秀石
巉巖青蒼玉削纍纍然若芙蓉之未舒隱見草
莽者不可勝紀

嶺畔舊有報恩寺唐元貞間建元至正間築城移
建大井巷國初併海會寺成化間仍徙故址內
有舞鳳軒萬菊軒浣雲池銅井白樂天浣雲池

詩白雲本無心卷舒長自潔影落一鑑空可浣
不可涅鳶飛魚躍間上下俱澄澈此意難與言
覽之自怡悅 蘇子瞻萬菊軒詩一軒專爲黃
花設富擬人間萬石君佳本盡從方外得異香
多在月中聞引泉北澗分清露開徑南山破白
雲此意欲爲知者道陶翁猶自未離羣 嶺上
有沈婆井嶺下有郭公井相傳晉時郭璞所相
鑿者蓋其時杭州皆濱江斥鹵艱於甘泉故地
脈非璞不可識鐵冶嶺亦有郭璞井

又東經鳳山門折而南過萬松坊爲報國講寺

萬松坊永樂己亥金臺王玘書

報國寺元至元十三年從胡僧楊璉眞伽請卽宋
故內建五寺曰報國曰興元曰般若曰仙林曰
尊勝報國寺卽垂拱殿殿角有銀杏樹其實無
心楊仲弘詩所謂萬年珠樹落秋霜是也內有
碧梧軒舞鳳軒興元寺卽芙蓉殿般若寺卽和
寧門仙林寺卽延和殿尊勝寺卽福寧殿下有
曲水流觴楊璉眞伽發宋諸陵建塔其上其形
如壺俗稱一瓶塔高二百丈內藏佛經數十萬
卷佛菩薩像萬軀塋飾如雪故又名白塔至順

辛未正月十四日黎明雷震之至正末爲張仕
誠所毀其寺鐘卽故內禁物也西有望江亭大
江百里盱眙可覽至今有尊勝庵四寺雖隘而
景致宏麗延祐至正間諸寺遞燬皇明洪武二
十四年重建報國寺僧噩夢堂舞鳳軒詩江濤
曉上青崔嵬山勢遠從天目來錢氏豈能當王
氣郭生端復是僊才光搖晴旭九苞動影拂秋
旻雙翅回爲我翩然覽輝下一軒著此亦宜哉
楊仲弘錢唐懷古詩西湖清濁自天開鴻雁
鳬鷺日往來黃道星辰環太乙紫微宮殿擁蓬

萊能文競奏王褒頌獻壽深傾阿母杯九域興
圖今混一百年耆舊獨興哀其二山回禁禦入
雲長無復陳兵衛兩廂千古金鐘埋野草萬年
珠樹落秋霜龍文不徙陽人聚鳥篆終歸軹道
傍九市塵埃來衮衮一江風浪去茫茫其三斜
界鉤陳通大道中分魏闕對層巒雲生殿上金
爐暗露下庭前玉井寒江漢飛龍俄杳杳滄溟
泛鷁竟漫漫中天曾合寧非數坐見蒼生奠枕
安其四化城宮闕被層阿棟宇高低若湧波翠
石文章題日月寶珠光燄燭山河空桑說法黃

龍聽貝葉繙經白馬駝誰道一無超眾有祇今
塵土重來過 僧宗泐詩欲識錢唐王氣徂紫
宸宮殿入青蕪朔方鐵騎飛天塹師相樓船宿
裏湖白雁不知南國破青山還傍海門孤百年
又見城池改多少英雄屈壯圖又云天地無情
日月徂鳳凰山下久榛蕪獨憐內殿成荒寺空
見前山映後湖塞北有誰遺一老海南無處問
諸孤蓬萊閣上秋風起先向燕京入畫圖 錢
思復同武仲仁登白塔詩鹿苑蕭條景龍山慘
淡陰百年同感慨九日此登臨宮葉詩誰寫離

花酒共斟不知城外雨涼思滿幽襟其二香火
今朝寺雲山前代宮雕闌陳蹟在白塔暝烟籠
雨泣交龍柱風悲孤鳳桐惟應江上水千古酌
英雄其三宋宮傳是唐朝寺白塔崔嵬寢殿前
夏雨染成千樹綠暮嵐散作一江烟蒼苔門外
銅鋪暗細柳營中畫角傳寂寞葫蘆宮井畔野
人拾得舊金鈿 鄭洪詩江山襟帶尙依然王
氣消沈已百年八葉龍孫東入海六宮綵女北
歸燕銅駝荆棘西風裏石馬莓苔落照邊玉匣
遊魂飛劫火五陵嘉樹不啼鶡

宋行宮卽錢王舊宮也皇城九里入和寧門左進
奏院玉堂右中殿外庫至北宮門循廊左序戶
璫幕次列如魚貫祥曦殿朵殿接修廊爲後殿
對以御酒庫御藥院慈元殿外庫內侍省內東
門司大內都巡檢司御廚天章等閣廊回路轉
眾班排列又轉內藏庫對軍器庫又轉便門垂
拱殿五間十二架長六丈廣八丈四尺簷屋三
門長廣各丈五朵殿四兩廊各二十間殿門三
間內龍墀折檻殿後擁舍七間爲延和殿右便
門通後殿殿左一殿隨時易名明堂郊祀曰端

誠策士唱名曰集英宴對奉使曰崇德武舉及
軍班授官曰講武東宮在麗正門內南宮門外
本宮會議所之側入門垂楊夾道間以芙蓉環
朱闌二里至外宮門節堂後爲財帛生料二庫
環以官屬直舍轉外窰子入內宮門廊右爲贊
導春坊直舍左講堂七楹扁新益外爲講官直
舍正殿向明左聖堂右祠堂後凝華殿瞻策堂
環以竹左寢室右齋安位內人直舍百二十楹
左夔齋太子賜號也接繡香堂便門通繹已堂
重簷複屋昔楊太后垂簾於此曰慈明殿前射

圃竟百步環修廊右博雅樓十二門左轉數十
步雕闌花鰲萬卉中出鞦韆對陽春亭清齋亭
前芙蓉後木樨玉質亭梅繞之由繹已堂過錦
燕廊百八十檻直通御前廊外卽後苑梅花千
樹曰梅岡亭曰冰花亭枕小西湖曰水月境界
曰澄碧牡丹曰伊洛傳芳芍藥曰冠芳山茶曰
鶴丹桂曰天闕清香堂曰本支百世佑聖祠曰
慶和泗州曰慈濟鍾呂曰得真橘曰洞庭佳味
茅亭曰昭儉木香曰架雪竹曰賞靜松亭曰天
啓偃蓋以日本國松木爲翠寒堂不施丹雘白

如象齒環以古松碧琳堂近之一山崔巍作觀
堂爲上焚香祝天之所理宗時吳知古掌焚脩
每三茅觀鐘鳴觀堂之鐘應之則駕興山背芙
蓉閣風帆沙鳥咸出履舄下山下一溪縈帶通
小西湖亭曰清漣怪石夾列獻瑰逞秀三出五
湖洞穴深杳豁然平朗翬飛翼拱凌虛樓對瑞
慶殿損齋緝熙崇政殿之東爲欽先孝思復古
紫宸等殿木圍卽福寧殿射殿曰選德坤寧殿
貴妃昭儀婕妤等位宮人直舍螳聚焉東過閣
子庫睿思殿儀鸞修內八作翰林諸司是謂東

華門 元黃潛鳳凰山故宋宮詩滄海桑田事

渺茫行逢遺老色荒涼爲言故國游麋鹿謾指
空山號鳳凰春盡綠莎迷輦道雨多蒼薺上宮
牆遙知汴水東流畔更有平蕪與夕陽 趙子
昂詩東南都會帝王州三月鶯花非舊遊故國
金人泣辭漢當年玉馬去朝周湖山靡靡今猶
在江水悠悠只自流千古興亡盡如此春風麥
秀使人愁 楊子承詩天下車書正一家數逢
陽九亂如麻兩朝北狩過天寶四海南奔類永
嘉陵寢可憐分異域衣冠不復返中華玉簫吹

西海遊覽志卷十
暖錢唐月誰念黃龍慘暮笳 仇仁近詩漸無
南渡舊衣冠尚有西湖風雨寒鳳鳥不來山寂
寂鴟夷何在 海漫漫荒陵樵采官猶禁故苑烟
花客自看惟恨餘杭門外柳長年不了送征鞍

楊廉夫詩天山乳鳳飛來小南渡君臣又六
朝劫火不燒楊璉塔箭鋒猶抵伍胥潮燐光夜
附山精出龍氣秋隨海霧消惟有宮人斜畔月
夜深猶自照吹簫 張仲舉詩南渡君臣建業
偏不堪喬木黯風烟豈知白馬興王日又到紅
羊換劫年三輔皇圖空郡國六朝王氣渺山川